

嵩嶽志

元

嵩嶽文志卷之七

記

中岳越禪師塔記

唐李華

監察御史

智之深者反照仁之大者無思反照而萬物同明無
思而一切咸寂真如住乎無住妙有生乎不生惟禪
師至其極也禪師法號常超發定光於大照大師垂
惠用於聖善和尚證無得於敬受闍梨司徒郭公舉
爲東京大德御史中丞鄭公表敷教於三吳乃沿漢
至黃鶴磯州長候途四輦瞻統請主大雲寺浩浩群

醉願霑醒藥。於是以梵王網地。還其本源。楞伽法門。
照彼真性。荆越之俗。五都僑人。有度者矣。寶應二年。
暮春季旬之二日。燈滅于禪居。線杖百千。江哀山悴。
凡入諸佛正位二十九。夏存父母遺體五十九年。門。
人寶藏。熙怡等號捧香。毘建塔東岡。遵像法也。禪師。
滄州人。姚姓。靈和。應于海碣。弱歲齒于儒者。旣而捨。
孔氏之經。爲釋門之胤。聞西河攝護第一。乃徃從師。
次諸嵩。賴服勤上法理。妙詞簡神。凝道深。蓋六度之。
龜麟人天之海嶽也。嗟夫。兩寶之珠。伏於泥下。燎原。

之火隱在水中開示有期繼生宗範摩訶達摩以智
月開瞽法雷破聾七業至大照大師門人承囑累者
曰聖善和尚環注源流含靈福備乃灌其項龍像如
林及狂虜逆天兩京淪翳諸長老奉持心印散在群
方大怖之中人獲依怙則不言之教無爲之益廣矣
大矣覺之正之默茲缺照不爲深乎弟子司封員外
郎趙郡李華泣舉雙林敬表仁旨時廣德二年正月
六日

重修中嶽廟記

宋駱文尉鄉貢進士

恭聞聰明正直者神於是乎封五嶽命四瀆以主天地之柄溫良恭儉者人於是乎位三公侯萬戶以序君臣之政神之靈雪霜風雨應其候人之正士農工商樂其生是知神正則福善人貴則通神既感應以相符在影響而斯契嵩嶽廟者名局祀典位冠中央南汝川而北洛川地封靈鎮左太室而右少室天設神宮國家祭享之外留守禱祈之暇每至清明屆候頌景方濃千里非遙萬人斯集歌樂震野幣帛盈庭陸海之珍咸聚於此或曰非禮然涉餘論且理亦存

焉使人畏其神則暗室之中有所思也使人畏其法
則康莊之內有所懼也若畏其神懼其法成政之道
亦在茲乎其餘所獻不可勝紀雖云廟用未曰精專
歷政以來罕革厥事不有明畧無田立功留守侍中
稟嶽之英得河之靈許國忠貞施政肅清於是奉君
之餘愛民之暇乃偵斯邑備聆厥由一日命僚佐曰
食君之祿豈徒然哉今欲務本成政如斯可乎四座
咸曰善於是選彼公人監之於廟未逾期年所獻寶
貨幣帛克溢廊廡仍令掌管竚俟修崇乃差軍將孫

禧相度又差登封鎮將郭武等曰以爾早親左右聽
吾指蹤擇彼梓人臻其必葺雜用二十三處行廊一
百餘間莫不飾以丹青繪之部從栽松植木去故就
新不可一一盡紀俄而吏不敢欺告厥成功仍聽民
歌靡敢弗錄歌曰時之泰兮聖人公政之清兮君子
風覩廟宇兮嚴絜賴神明兮修崇足使謁者生自然
之禮祭者敦如在之蒸則明神貴人感應之兆信不
虛耳文尉集簞無能編苦自許徒寄化風之內幸窺
修飾之功是罄蕪詞直書盛事慮年代以杳邈勒貞

珉而斯在

修中嶽廟記

李方郁

登封尹

上四年用大司計侍郎爲丞相其明年以我相秉樞
機我公掌綸誥宜爲避嫌遂自閤下拜河南尹將辭
上悄然謂公曰前時洛水爲災洛民大潰四走無逃
至有沒死者豈勝其冤耶而公今去我無東顧之患
矣公旣至理事先以恤民爲寄活生瘞死大開廩庾
賑貧乏飽饑腹暖寒體極于畿甸靡不周悉而又蠲
逋租省徭役俾安穩其起居勤強其事業故遠邇之

民相賀而歌曰天灾流行兮代有下民昏墊兮時數
命無以逃兮諒自嗟豈將天怒我尹之慰恤兮實解
予之愁苦夫得耕兮婦得織日出得作兮日入得息
此固我君之憂民兮俾我尹之來即又歌曰明明在
上兮天子聖四方取則兮我公令疲民蘇息兮公之
政一日將去兮誰活我之性命其都之南嵩嶽橫亘
其嶽有廟距都百里每歲季夏日直土用御署祝文
用犧牲粢盛醴齊庶品詔我公有事于王禮既公周
視廟宇堂殿廊廡見其崩侈圯毀剝蘚頽墮垣墻之

靡棟棟失次梁拱差歌顧謂其邑令李方郁曰吾聞
天地列嶽五嵩高高居其一其嶽樓中天群峯蒼翠異
色其岡巒重疊異狀其出雲霞變異氣其草木森聳
異岵其葩卉薈蔚異香其禽鳥間關異聽其溪澗瀟
灑異流若此之狀觸目周匝四時迭觀吞吐氣象環
一山之上道宮佛寺高閣危樓盡萃其中我國家以
神之靈塑神之形俾神之明福我蒼生戕戕其冠整
整其衣兵仗駢列羽衛參差天子以時視三公之禮
而祠之受神之德既厚矣振神之功亦重矣所宜有

威壯形容華煥宮宇奈何以危毀至是俾爾民之進
拜禱祝將何瞻仰乎我今出府庫十萬貲以功用爾
宜專其事俾爾心與吾心不可以異方郁謹再拜受
命退而自言曰方郁為吏稟指使上不敢罔公中不
敢欺神下不可苦民豈可不成耶遂鳩工歲事四旬
而就見若赤白之交暎矣見若金碧之分輝矣見若
棖桷之粉繪矣見若斗拱之光赫矣見若簷溜之垂
截矣見若溝壠之端隆矣見若戶牖之照燭矣見若
垣墉之齊削矣旭日明媚夾壇殿之飛翬朝霞燦爛

助峯巒之起秀則知公之指制可以邁古冠今使海
內神廟修潔崇盛無逾於中嶽公資晶朗嶽鍾秀粹
群妙符識萬項澄襟瓊樹氷壺涵徹于神宇黃鍾朱
瑟鏗奏于文章況公尹正之能撫民之美愚知其不
日而將與吾相連枝於台座之中致美於廟堂之內
將吾君及立於堯舜之上措吾民登壽於邃古之際
必矣方郁忝官在縣行及秩滿時蒙公錄以微績上
表量留付之修飾輒敢序

重修中嶽廟記

金隨琳

登封令

夫太室中土之鎮居四方之中故獨稱嵩自漢武帝
聞萬歲之呼增加神宇唐玄徵元封之事申錫王爵
載諸祀典其來尚矣歲月浸久荐經兵火殿宇廊廡
悉皆圯壞歲時禱祀遠邇輻輳曾不足以稱崇奉之
意粵有龍虎李侯者尹茲洛師在任歷久職脩人治
府中號無事先是施以白金五百星與弊補完厥功
未就越自皇統乙丑歲鳩工聚材命統制孫堅董其
役縣令隨琳相之造始於孟夏斷手於仲秋不取於
公不勞於民自正殿以至於外門列嶽以至於兩廡

仆者興缺者全塗堊之功丹雘之飾靡不畢備耽耽
翼翼鱗萃羣飛內外咸新耀煥群目落成之日和氣
洋溢靈光下燭咸曰休哉厥後神之格思兩暘時若
而豐年應灾厲殄而民氣和由一邑而達於一府由
一府而達於國中將見諸福之物可致之祥敷爲休
徵散爲太平斯又保佑我國家無窮之休則神之功
蓋與天地並君子以是知李侯之舉也其利博哉請
繹其義而作安神之詩以歌之其詞曰維神之德方
亘古今而常新維神之功方同日月而常明嗟踰時

變兮復喪亂而存更致祠宇之既久兮俱摧頽而莫
營彼有形與數兮詎能保其不傾李侯之繕完兮免
夙夜而力成咸鼎新而誇麗兮煥乎鏤案而丹楹俾
遠邇之駿奔兮皆歎美而愕驚願神來止兮永福惠
於斯氓

重修中嶽廟記

金李子樗

名山之在天下爲不少矣其間歸然爲國之巨鎮者
靈嶽有五嵩高其一也然恒衡岱華皆據其區域之
偏孰與夫宅四方之正中得土行之正位峻極于天

若是之大者也此聖王所以載在祀典享以帝號尊而廟之古今所同也如漢之元封增祠太室創爲奉邑名曰崇高亦示其尊崇之意禮至隆也唐之登封用事神嶽因以屬縣改曰登封亦取其封祀之義儀至縟也考厥由來蓋有是祠然後有是縣縣非徒置也爲祠而置之也則爲臨宰者豈可不致敬而奉之哉聖朝有天下以來歲時之祭特命有司行之祠宇之廢亦命有司修之著爲常令其爲人臣者固當尊奉其令也然歲時之祭已聞有司行之矣祠宇之廢

亦見有司復脩而崇起之矣越正大之五禩蒲察公
以蕪能辟來宰是邑下車未幾有能聲一日謁祠下
觀其棟桴摧折丹青漫滅慨然有完葺之志以謂國
之事莫大於祀禮之經莫大於祭今神宇如是上無
以尊聖帝之尊嚴下無以副邦人之瞻仰殆不稱明
天子所以恤祀之意豈君令臣行之道歟乃具狀以
聞旣而公檄委公以本職監董其事公以得遂所請
即舍於廟側朝夕從事籌計摹度以官給所貯白金
悉就工役於是居民子來荷鍤輦土運斤制木陶甓